

金門志卷十

列傳二目錄

文學

明張苗 顏揚 黃仲偉 陳樂雙 陳良策

蔡宗道 蔡鼎臣 洪興周 洪受 許材

許開 許緝 蔡謙光 許笑

朝國陳大範 張對墀 張星濂 林文淵 呂世宜

林樹梅

宜績

宋陳綱 顏五郎

金門志 卷十 目錄

明彭用乾 黃偉 王佐 陳健 陳榮祖

陳榮遠 陳穀 許廷用 呂文緯 蔡宗德

蔡貴易 蔡獻臣 黃傑 盧天祐 王時拱

蔡煥 黃江 張應星 張日益 蔡用明

蔡復一 蔡守愚 黃華秀 陳基虞 蔡懋賢

許光卿 張繼桂 陳廷拱 陳如松 林鈺

張朝桐 蘇寅賓 劉廷憲 蔣孟育 陳昌文

張朝延 蔡國光 盧若騰

朝國許元康 陳觀泰 張汝珮 黃琬 許永澎

許永忠 洪心澄 英弟 附 王孔彰 黃鍾



文學

張苗字世英號實齋青嶼人成化丁亥以楷書精妙擢中書舍人癸巳修通鑑綱目成遷大理寺評事壬寅進御覽小楷綱目超拜太常寺丞族加少卿又以叔敏保翊孝廟功推恩進太常寺卿尋改南京通政使乞休歸宏治乙丑晉階二品與蔡觀慧顧美等十七人為逸樂會蔡清為文記之子定進士宜舉人府縣志

顏揚字士抑號文岫小徑人父仁長於詩歌教授漳州郡守汪鳳以黃梅雨試士仁援筆立就鳳大擊節揚性質聰敏初從仲父宏宏傳見習舉業已就學於林希元每出詩

金門志 卷十 文學

文輒驚長老又常師事王宣顧司徒珀見其清源詩乘輿訪之當時若蔣孔煬鄭一鸞傅夏第俱與厚侍御陳蕙嘗出其門而試輒不利俞大猷與為列頸文致之任厚資之嘉靖間回自浙江卒年七十三林次崖文集

黃仲偉以字行汶水頭人邑諸生篤志向學受業陳琛之門時兄偉官南州都郎中琛遺書曰仲偉近作斐然可觀駸駸然若有欲難其兄之意可想見其人矣陳紫峰文集

陳樂叟黃庭訓俱金門人英年嗜學讀書有獨行君子之德皆足為鄉模楷滄海紀道

陳良策東埔人學問該博磊落不羈與蔡宗道顏宏並稱

三香儒 滄海遺

蔡宗道字朋山平林人為邑諸生隱居教授師道方嚴學者尊為香儒以孫守愚貴贈四川按察使府志

蔡鼎臣初名獻襄字體謨號彌臺平林人獻臣從弟由諸

生入太學性姿英朗喜淡泊日與知己較藝賦詩應南北

聞皆弗酬於是閉戶潛玩凡古今文詞諸子集書纂集抄

評曰以是遺子孫吾可老矣素嚴取與而好施拯卒年六

十一 府志清
白堂稿

洪興周洪石樸鳳山人並以詩名興周嘗至尚書嶺與一

狂士論文咆哮不相下請燃香分韻為詩興周振筆云行

金門志 卷十 文學

到尚書嶺無端憶故山鳥飛青嶂外人在白雲間翹首觀

天近傷心去路難紛紛名利客不若老僧閒視香未寸狂

士折服石樸尤好作迴文體有雲掛暮山青潑墨雨涵潮

水碧拖藍之句 涪州見
聞錄

洪受字鳳明鳳山人潛心力學於經傳多所發明在序教

授稱大師門徒多成名所著有四書易經從正錄滄海紀

遺嘉靖乙丑以貢歷國子助教夔州通判卒於官 夔州府志

許材字從任後浦人諸生恭儉孝友篤信好學著有詩文

集十卷 家譜

許開後浦人垂髫為諸生每試輒冠懷竒博覽善古文詞

上下古今論得失成敗多獨見破的所著有滄南集孫麟
通志府

許麟原名行周以夢揭魁特更今名字子選號鍾斗九歲
能文即多驚人語客與其父振之談夾谷三會危其事麟
從旁應曰已請具左右司馬以從矣客奇之年十三淹貫
經史見羅李公材倡學於閩往從焉深得修誠之旨慕李
光縉文章徒步至晉江從之遊萬歷丁酉舉於鄉戊戌下
第歸彙政汪道亨延之署中談文外不涉一私庚子春
官與太倉王衡會文蕭寺王不可一世獨心行麟辛丑會
試場後見麟卷大駭曰第一人屬子矣故榜果麟居首衡

金門志

卷十

文學

四

次之殿試二甲一名改庶吉士尋授編修館課出人爭抄
傳嘗自勵云取天下第一等名位不若幹天下第一等事
業更不若做天下第一等人品大學士李廷機素端介獨
與麟善談必竟日聞苦稅璫有奸人勸璫上書分括山海
利麟貽書溫林二御史寢其事居久以恩親成病假歸囊
僅數十金未幾卒年三十七麟夙聘顏氏及笄得病而少
妻父欲易以他女麟執不可及娶情好甚篤既貴如一日
為孝廉時有百姓橫鄉里痛絕其非巨姓伏眾擊之途麟
亟避忽見兩白衣婦掖過叢棘中入村舍得免回視寂無
人也性巖峻狷急殫心才學矢口縱筆精義躍如海內傳

諱其文曰許同安所著有四書合喙鳴易解叢書軒文集
存笥稿制義五百餘首祀鄉賢子鉉鉞鍾俱諸生閩書通志府縣志見叢集

蔡謙光字哀卿邑諸生蔡甘光字雨卿恩貢生平林人俱

少司寇獻臣子並以詩名謙光為詩冲秀高華甘光尤負

奇筆體數變後乃造冲淡如涼月素娥微風瑤珮又執何

喬遠蔡元履更以雄深進之謙光著千雲齋集甘光著恢

爾集舅氏池顯方均為之序節本集序

許尖字保生號瑤州後浦大嘗居邑前宅後復回居金之

董林村幼穎慧六歲能詩八歲能文年十四即著有寸知

金門志

卷十

文學

編已入鰲峰從侍郎蔡文勤遊授宋儒性理書身體而心

驗之充然有得雍正甲辰魁于鄉丁未成進士授翰林庶

吉兀散館磨勘為睡毗者所中改知縣飄然翠劍

放浪齋楚豫吳越間盡殺其字騷不耳之氣境益窮而

詩益工嘗自謂車塵馬跡欲求一江湖散人烟波釣客興

之旗鼓相當卒鮮同調晚賦歸來杜門嘯歌蕭然自得所

著玉森軒稿鰲峰近咏餘鱗集木游集方知集寓金陵時

合梓為寓我草堂詩鈔及瑤洲文集詩餘詞調齊河縣志

在平縣志普陀山志各若干卷鰲峰近咏序寓我草堂序合系

陳大範字子疇金門後山人徙府城康熙壬午解元榜姓

史嘗受學于李丹桂是年正月朔日丹桂於門前拾一蠟
適大範來賀年欣然告之曰此吾今歲得解之兆也大範
遂巡曰學生惜有一言蠟得於門乃先生門下得解耳榜
發果然會闈自康熙三年後報捷者江浙獨盛聞省寥寥
大範率舉子伏闕陳奏後遂分省派中額至今著為令大
範學問雅贍為人矯矯不羣迨淳安知縣未任卒著有詩

集府志

張對壘字丹颺號仰葦青興人遷姜興再遷晉江康熙甲
午舉人辛丑進士授太康知縣有政聲因友人事株連獲
罪卒于配所生平博學多識詩古文奧衍宏深所著有同

金門志

卷十

文學

六

江集行世府志通志

張星嶽字北拱號居亭青興人父德溥舉人以孝友著星
嶽康熙丁酉第三名榜姓金復本姓辛丑成進士磨勘罷

第歸以舉人銜選授望江令改海澄教諭興學課士勤於
其職生平好學慕古遍讀群書老而彌篤著有歷代名吏

錄四卷春秋四傳管窺三十二卷評註戰國策全集十八

卷府志

林文湘字珠卿後浦人學者稱秋泉先生博極群書為文
沈摯遊長泰序屢屈秋闈遂不復置意肆力於詩古文詞
為歷任有司所敬禮與金門縣丞蕭重相契詩酒倡和無

虛曰語不及私性耿直急公義道光間大府奉部文派採
買文湘以金門民才難堪陳於當道得免分巡道周凱以
古文提倡後學尤器重之文湘詩宗韓杜兼長於駢體著
有醱醖山房詩文集若干卷子章授長泰學增廣生章榮
鎮標外委千總孫資熙拔貢生誦清堂文集
呂世宜字可合其先金門之西村人故又號西村又仲諧
始後居廈門以孝稱世宜道光壬午舉人性好古通許氏
說文及金石之學最工篆隸嘗摹擬漢書四十九石廈人
林墨香刻之時巡道周凱山長高澍然俱能古文世宜時
相談論其為文筆意警峭頗似王半山晚年援例捐翰林

金門志

卷十 文學

七

院典簿嘗自為墓誌刻於硯背命家人即以硯殉其標格
崖岸如此著有愛吾廬文集三卷筆記二卷子登元補邑
諸生

林樹梅本姓陳字瘦雲副將廷福養子也每從廷福巡洋
所至港汊夷險輒隨筆記錄既長學為詩古文詞從巡道
周凱及玉屏掌教高澍然遊得其指授故為文具有矩矱
嘗贊曹謹令鳳山興埤頭水利道光間海氛告警總督顏
伯濤以幣聘之上戰守諸策議於刺輿尾置戍地無水乃
登山相度地脉掘之得泉因名曰林泉并刻石井上等平
當道委授布政司經歷欲改授武職才辭福州林文忠予

告歸適籌議防海樹梅密系惟性文忠赴粵辦賊中途卒
樹梅感其知愛為詩招魂遂鬱鬱以歿年未五十也素好
義舉值年暮市縣衣數百給隣里之貧者曾遊鼓岡湖訪
得魯王墓請於當事清其界樹碣墓右自捐市厘為祭費
其負奇如此以自幼及父鍾愛不忍歸宗乃迎養生母於
廈門別業娶妾生子以繼其後平生好山水遊喜吟咏工
篆刻善畫遊太姥嶼繪圖題詩以歸臨終口占云深負平
生國士知鹽車老駕欲何之歸來化作孤山鶴猶守梅花
影一枝著有沿海圖說戰船占測及敵雲文抄十二卷詩
抄八卷敵雲鐵筆一卷文章寶筏一卷雲影集詩文續抄
金門志 卷十 文學

日記若干卷

官績

陳綱字舉正陽翟人父元愷善屬文終縣令洪濟志作綱化三年進士為宋同安登第之始初授建州觀察推官故事歲春夏率丁夫數萬採茶綱請以北苑茶供御餘皆賦民而收其租入在民者官定其直償之則民不困而國亦利詔如其請建民德之累官淮南江浙荆湖制置發運使祀鄉賢弟統統子昌侯俱進士通志府縣志

金門志 卷十 官績

顏五郎賢聚人神宗朝任柳州同知有治聲家譜

彭用乾沙尾人洪武十四年同安令方子中以孝弟力田薦授臨朐丞復除息縣調徐聞有惠政清苦不以家累自

隨卒於官年二十九其甥負骨歸葬焉府縣志

黃偉字孟偉號逸所汶水頭人性敏而懇嘗就府小史投

筆曰非丈夫也棄去讀書太武巖領正德庚午鄉薦從同

年友陳琛學易所得益深登正德甲戌進士授南刑部主

事治獄得情以清慎明恕著聲公暇求道南四先生書湖

穎昌授受微旨以自勵陞本部廣東司郎中歸省嘉靖初

應詔陳九事首論敬德必親賢備遠近習輔弼必任老成去軟熟節用必自裁減貢獻始除利民巨蠹必革鎮守他如通臺諫重守令養人材明職掌正憲體率中治機又上定大禮疏斥張璉希寵嗜進妄誕不經上申明舊制疏改

正京畿御史不得仰部司抄奉彙驗侃侃無諱皆言人所不敢言出守南雄歲有例金萬餘悉却之而節驕從省徭役明禮教禁游女焚淫祠遇事無所顧避按察使檄民夫昇蘇木署牌還之曰本府不忍勞民也巡撫欲丈田加稅堅執不從甫三月投劾歸老稚號呼載道旋以當道薦改知松江府時張璠當國同年吏部侍郎霍韞私謂之曰公何疏論張公吾已為解渠亦雅慕公宜一謁之俾遂托墜馬傷足即日繳還除書歸自是累遷不起惟以養親講學正家為務居憂不入內姓還墓間哀聲感道路每晨興具衣冠展拜家廟冠婚喪祭盡草舊俗以禮教於鄉隨材引

金門志

卷十

官績

十

進多所成就嘗種瓜東郊之外曰徜徉其中當道慕其者或一就見則與盡白所聞冤抑事不必識面人也人或知而謝輒峻却之嘉靖十六年泉大饑巡按李元陽請主賑事備旦暮區畫必欲無一人遺無片刻滯無斗釜邀殫神畢力疾作而卒遠近咨嗟琛哭之慟曰天喪吾道也臺察諸司矜其清貧重其行誼為營田供祭建善俗坊俾孝友天植慈祥簡易有進退大節不為苟得不厭困窮其論議如陸忠宣冲遠如趙清獻出處如陶淵明楷不得大用見諸施行蔡元偉稱溫陵人物謂朱鑑李聰蔡清陳琛張岳林同顧珀吳銓林姓之與偉為溫陵十子皆無愧為完人

也所著有海眼存集祀群邑鄉賢祠閩書府縣志清源文獻清白堂摘崇華文

集合纂

王佐字子才大蓬人嘉靖壬午舉人初知睢州值河決竭才捍禦河卒平睢人建回龍廟河濱生祀之擢高州同知南戶部員外郎中以持議忤大司農出為兩淮運同已而謝政歸年八十三時睢人請於督學祀之名宦不知其尚在也適後文至令徐待贈之詩曰白頭如越世赤子未忘蕙百畝家無羨千秋食有餘竟以其年卒府縣志

陳健字時乾號滄江陽翟人正德己卯舉人嘉靖丙戌進士授刑部主事歷四川司郎中決讞鯁直不阿上意出知

金門志 卷十 官績

南安府修南安志群人稱其總繫縣邀持議宏遠調廉州

府再知南甯為政惟勤撫綏不務因循歸田後課子孫崇

祀敦睦無間及卒許鄉誌其墓孫榮祖榮選府縣志

陳榮祖字克紹健孫嘉靖甲子舉人授永安令出入常賚

糧僱役地方無擾草保家以杜需索汰冗役以省詠冒民

被火者卹之被役者措之選社師以課學九了樹有虎噬

人齋禱城隍立斃勒碑於廟紀其事教民始種麻豆芋薑

閩閩利賴民立祠刻石生祀焉以清廉卓異賜宴旌額陞

德慶知州盡革陋規卒於官櫬經永安焚香哭奠者數十

里不絕祀名宦載永安邑志府縣志

陳榮選字克舉号蠶海榮祖弟萬歷丙子順天舉人初選知劍州未行丁內艱復補儋州別戶數清訟獄申六諭勸農桑建欽恤堂於蘇長公之載酒堂旁率士子講學其中稅璫權稅驛騷民苦之榮選故饒資運家財以應徵役民戴德出望外黎民梗化招撫之不用命就俘者祭其輕罪釋之遷廣州同知攝知香山縣以清介聞稅璫欲多稅額力爭之遂棄官歸榮選歷任州牧府佐每去父老遮道泣留儋人去思去甚与陳節藩楠合祀稱三賢祠在家孝友好義里人黃姓有兄弟爭死久繫獄中白而出之夜不重彩食無兼肉有以緩急相叩靡不應者所著有易四書旨

金門志

卷十 宦績

十二

禮記集註南華經道德經註解祀鄉賢

府縣志周書遜菴集

陳穀字次卿一字式洲号天垣健曾孫俊子萬歷庚子舉人榜名士任雋後改今名初授無錫教諭有知人鑒擢廣東新安令剛直廉平首除劇惡嚴詰奸胥寬里甲恤編民免贖緩清羨餘積蠹宿弊釐剔殆盡築兩炮台於城北隅以固守禦甫年餘以忤權貴去行李蕭然父老攀号遮道車不得前民思其德建祠祀之後補藍山令勤于撫綏既歸年六十九卒於家

府縣志廣東通志

許廷用字惟範号南洲後浦人初名疇以恩貢除廣東化州學生丁艱起補許州學正嘉靖庚子舉河南試六名明

年成進士授江西新喻知縣陞南戶部主事勵清白操歸
囊如洗人目之葉宗行陸公紀云島上苦倭患知縣譚維
鼎蒞同令民練鄉兵連土堡廷用率里人竭力堵禦馳書
維鼎統鄉兵載火具浮海來援賊一再攻堡與戰皆獲
真倭首及奸細多名斬之賊始去林次崖平寇記
洲見閩錄合衆
呂文緯字道充號疊石林兜人嘉靖辛卯舉人授藍山知
縣為民求便利日搜其蠹弊而芟除之才識敏贍庭訟一
言而決胥吏靡窺子舊有徵輸餘銀更以羨白例充私費
文緯請歸官充公監司適移牙色曰令不當如是耶往上
官按行部色庸鄙者或有私饋至藍獨無更懼見誦文緯

金門志

卷十

官績

十三

不顧卒皆敬重之居荒徼間蠹蠻蕃育數患苦民黎一日
掠至城下文緯勒兵追捕俘數十以歸度其勢可盡殲建
議平徭當事難之文緯指畫陳可取狀遂委任其役按地
圖部署兵所徃入卒敢死士搗其巢窟徭窮求撫文緯曰
聽撫即吾民也定為約束而遣之徭遂平上其事於朝民
立祠祀焉陞四川簡州知州未任而報罷文緯誠實果敢
居官廉而有為平徭之績尤偉而卒見排不錄中丞劉凝
齋在湖藩時詳其事及撫閩詢時政得失陳說無不聽納
居家仁孝田宅盡讓與弟又置祀田三十畝族黨交稱焉

蔡宗德字懋修號兼葦平林人嘉靖辛卯舉人寬大仁厚
不炫聲譽通判廣州活潁泉通番船者百餘人有甲盜葦
乙地乙遷其棺他所甲以棄棺訟伴不聽第約曰令甲遷
而棺果還故處又有弟亡僅一遺腹兄利其產謀一夫婦
冒為己子復謀一人證之宗德訊伴怒令棄兒於水弟婦
哀慟求免冒子者略不動乃責諭其兄分以弟業丁艱歸
起除台州活被擄者十餘人詢之皆莆田人也調梧州未
上卒子貴易孫獻臣

閩書府
縣志

蔡貴易字爾通又字道生號肖兼嘉靖甲子舉人隆慶戊
辰進士授江都令丁內艱服除補崇德復包角堰以捍海

金門志

卷十

宦績

十五

潮創尊經閣俾諸生講業巨盜楊雷潘榜者糾聚橫行浙
西大震隣臺使者謀遣將兵之貴易用閒計杯酒間擒其
魁餘黨解散三方安堵遷南京戶部陝西司主事徽人商
崇德者感貴易恩迨至姑蘇饋四百金為獻峻却之諸商
歸而立四知亭後其弟智錦衣米鹽八倉出納十年無訛
折晉浙江司員外督浦口倉遷祠部郎中罷坊司供應清
朝天宮侵冒出知靈波府時余文敏公有了為相貴易座
主也竄人議開海外金塘大嶼二山謂可墾腴田二萬畝
佐軍興文敏從中主之貴易曰此國初所徙地也役蒸黔
而資巨室詎庸利乎既才白於上官復究極利害為有了

陳之手迹寢諸衛圻賂結府胥借軍儲數千無還計菟致
之法餉蠹一清海上漁商二稅舊輸郡帑議貯節定二邑
著為令曰郡牘故在耳窻波東門外跨大江為浮梁兩涯
隙地為豪家占築設屋市浸者壅擱多溺于水發未火水
壞舟梁漂溺百餘人貴易按圖籍得侵蝕者行其材而予
之更新道路浮橋艤舟二十餘艘鐵纜聯絡往來無患士
民立碑頌之遷貴州按察副使署督學所拔得士署司衆
出納惟謹不問羨擢布政司參政所部苗安國亨嘗遣人
投牒欲有所覬叱牒還之自是安苗頓首受約束曰畏使
君清耳晉浙江按察使會吳興董學士范司成事起訟囁

金門志

卷十

宦績

集貴易一切安靜鎮之曰是無賴子易熲安足聽也撫按
知貴易不為動則徑下之道府而董學士家破范司成竟
投繯死事聞神宗震怒當事者咸獲重譴人始服貴易能
持重得大體入覲為讒構所中生議一絀歸貴易精敏吏
治恬退寡援挺立獨行所至有威惠尤作養人才居官建
立去後人遵守之居家不畜媵妾不溷官府敦宗族和鄉
里訓後進以惜福做人為先易贊之曰震蓄蕭然蘇濬顏
其堂曰清白窻郡崇邑皆祀名宦禹歷間祀鄉賢所著有
詩文集子獻臣通志府縣志閩書浙江通志
蔡獻臣字體國號虛臺別號直心居一萬歷戊子舉人明

年成進士授刑部主事謙理一歸明允時帝久不視朝抗
疏請定國儲忠愛懇切調兵部職方主事遷禮部主客郎
中四方朝貢一依典禮調儀制司郎中冬至習儀臺省爭
班獻臣才執舊典復論楚藩假子一案忤右宗伯意宗伯
遠罷深恨之已又疏請福藩之國鄭貴妃恚甚夜發內使
執之不為屈及旦以舊典爭於帝前同官為之危獻臣神
色自若帝嘉其直遣出以參政銜分巡常鎮遷湖廣按察
使有為宗伯修憾者借楚事劾之罷歸百姓感留立祠尸
祝抵家讀書東山李春開延修邑乘既成得春秋謹嚴之
旨尋起浙江巡海道改領提學道識拔精詳狀元朱之蕃

金門志

卷十

宦績

十六

其所取士也浙人士為立生祠天啓中閩撫鄒維璉以學
問純正奏御賜里名瓊林召為南光祿少卿為璉所誣削
籍歸邑之海豐莊田上有朱塚迭決貽患屢築屢壞迄無
成功獻臣出貲築岸於朱塚歲以有收而海豐田永保無
事農人業戶請何喬遠為文勒碑紀焉獻臣清介亮直師
事楊貞復徹性命之學教人以敦倫實踐為先所著四書
合單講義既釋微言單聞之復融大義合貫之故名其書
取古辭而參己意歸於遵朱嘗謂先正林希元正嘉間名
臣有功偉者貽書提學馮烜配享文公祠鄉里利病休戚
不憚委曲陳諸當道人受其庇著有清白堂稿仕學潛學

講義筆記等稿年七十九卒賜祭葬贈刑部右侍郎
祀鄉賢通志府縣志

黃傑字一貞號忍江西黃人嘉靖乙未府學選貢歷西安
麻城訓導海康教諭伊府教授致仕三辭署印操若冰霜
所至多有可紀而在麻城尤著謂諸生曰吾初授官不寢
竟夕念訓字從言從川朝廷欲吾與諸生言善相切劘也
導字從首從之從寸欲吾首躬行示所之尺寸莫踰越也
諸生聞之知傑欲舉其官矣傑多聞善談論對諸生竟曰
無一庸俗語聽者忘倦才者愛之中才者教之貧者卹之
時以鄉先哲蔡清張岳林希元諸長者為諸生誦之行事

金門志

卷十

宦績

十七

不自黜污亦不為崖異既轉海康諸生祖送塞路傑留衣
一襲為代者利以示傳衣之意其後代者亦勉效之傑歸
年七十八卒學者稱忍江先生閩撫耿定向其門士也捐
金治葬為之傳楚粵皆祀名宦府縣志閩書
盧天祐字以順號龍泉賢聚人嘉靖丁酉舉人授永豐令
嚴嵩當國賄賂熾行直指行部多訪惡人罰金貝賄索永
豐天祐第應曰無有縣故無城賊寇雲擾廣兵袁彬等千
餘人應召殺賊反搶掠為亂縱橫閩浙聞天祐刊木擣石
塞蹊陸蔽關隘分兵防守廣兵至聞其清德竟不為害會
當入覲直指以邑遭殘破奏請丞代丞居下政中道道去

銓部以此連天祐坐失官為令七月耳歸無以為家永豐人祠祀之通志府縣

王時拱字曰臣號仰洲山後人嘉靖庚子舉人榜姓林復本姓年十九選授杭州通判所部儲峙供億事極鹽米而豪猾吏巧為乾沒宿弊如蠟至則多布耳目起發弊端徐為條教搜剔之吏咋舌不敢動民樂輸將歷署仁和富陽錢塘海鹽諸篆皆有政聲而富陽節約愛利尤多浙苦兵乏儲一日健兒脫巾收收道路為諸便自發帑金以給當事者讓之時拱曰帑金易集耳即有他虞帑金甯足愛耶卒白大吏許之諱伍靖讓者乃服其識巡撫梅林胡公檄

金門志

卷十

官績

六

委團練鄉兵日夜訓習卒乘服習課績最薦於朝璽書賜金擢廣信府同知閩浙孔道游寇出沒飭扞極惟謹會山東劇賊二十餘輩將入閩為亂詎稱應募廉其狀令遊傲給食饒為好語存慰之而潛使吏掩捕無一脫者礦賊連結倭寇攻陷永豐玉山且及貴溪貴無城民各獸散時拱署貴溪多方倡率守要阨險邑賴以完城貴溪度宜鳩工督役不數月而城成奏聞復賜金蓋異數也在任凡五載值太守入計攝府事比守回甫交篆而是夜府署火仍引為己責竟以此報罷歸念涸地孤懸海島僦居晉江安平堡更治別業於水頭村奉父母遐姿燕喜閑擣漁樵算冠

葛履散步溪山酌酒賦詩酒如也待二弟尤摯愛既居安
海內舍腴田在潯者榮割昇之仲弟歿厚恤其孤後為親
治壽域於潯湖邊以旁二墳自擬曰吾魂魄歸舊邱依親
倘得為快耳府縣志採

蔡煥字爾章號海林平林人以選貢訓導崑山嘉靖癸卯
應天舉人授嘉善教諭癸丑會試已定元不果副考官袖
其文以出大為扼腕陞都察院司務晉戶部郎中出為臨

安知府居官清澁處鄉和睦著有詩文集府志
黃江字源深號梧園汶水頭人幼穎慧弱冠為諸生饒焉
歷試高等士推為祭酒精於易受經者履滿嘉靖辛亥拔

金門志 卷十 宦績 十九

貢授廣東增城訓導進諸生質經解疑貧者輒卻其贄曰
以佐憲燈費邑令雅重之試士鑰其文屬代評臨一一不
爽署從化序兼邑篆託宿賢宮旦夕諸邑視帑獄而已眾
不數啓函歸亦不持一錢從化民為錫碑誌愛擢樂會教
諭踰年病告歸上官為給傳符以優之為人平易侃直事
親孝待二弟友尤嚴飭祀事年七十五卒府志稿
張應星字子翼號菊水青輿人兄墳以貢教諭平陰應星
自幼開敏喜讀書年十五從晉江史子光邑先輩林希元
學盡契所蘊蓄躬行篤志少失父兄常懷愛慕每忌日披
其所藏悲吟隳淚嘉靖戊午歲貢授會昌訓導揭白鹿洞

規教士督學使者徐燦以德行求士命諸廣文書無德行
之尤者應星獨不書怪問之曰諸生性實不齋然皆可自
改苛求之恐累終身學使大喜因試以世變江湖詩應星
賦末章曰厥行伊何行已有恥有恥云何不殖不殖顏子
曰勿聖門要旨庶幾多士是則是視徐大稱賞曰張廣文
自謂耳嘗戒其子曰言語必誠最忌輕與富人言雖窘毋
自說若見為求也與貴人言雖是無過費若見為誦也轉
清江教諭道卒所著有四書大略易經管窺燈影子曰益

闕書府
張曰益

張曰益號斗南鳳徽從弟萬歷壬午舉人令靈壁始至下

金門志

卷十

官績

二十

寬恤之令興利除弊務殫其誠時河工興作動派里夫民
苦額外之征十室九竄曰益申文臺司第用帑至招募或
願赴役者如數復其身上司急催役曰益具靈壁饑窮狀
請寬之以賦不及格轉王官老幼泣送為立去思碑歸而
貧其所論著充然有文詞闕書縣志

蔡用明本名霽字用明以字行更字晦仲號見南山皖人
萬歷己卯舉人母早卒事父甚謹兄弟五人推衣食無間
乞恩授大田教諭丁父艱服除補長泰欽士人豪舉之氣
範諸禮法有諸生隸郡庠不相識為怨家所中白學使者
直之而拒其謝甲午分校楚闈得士八人其五成進士陞

樂至知縣修學課士輒有採木之役大木所戶皆邊民焚
道風聲著崖絕人跡去治所數十里故事給官銀募民役
多相冒規免輾轉株累又民苦先出募錢事竣竟不得官
給往往破家用明下車見耆老人給小方令疏注鄉之巨
戶各以所臆疾書毋得交語紙上為參稽糧冊閱其丁賦
之上下比證甲牌覆其屋居之多寡然後榜示占役姓名
於縣門丁弱賦強則賦其金募人不任者許自新而蠲其
實者按其誣服與妄求免者乃更為立補助之條定番休
之規信給領之令徃役者官護其家禁奸民毋乘出役造
獄擾之木分三道以十之六為格用明最後乃滿十採木

金門志

卷

官績

廿

己邑中旱疫相繼用明按籍勸糶以紓之優禮百年歲時
致餽課士出俸錘供筆札若顧而大作新其廟學哀獨犯
科求贖不許必痛懲部使徵無碍金據理行之遷淮府審
理未行又有征播之役大發民夫餽餉用明猶精心為之
如其初至調度採木時督木使者過縣民擁車言令治狀
涕泣祈番輒不得發臨行猶奏記督學請廣多士解黷及
發舟泛裝岸石以壓險陸續鬱林非虛語也祀鄉賢祠子
復一書題菴集

復一書題菴集

蔡復一字敬天號元履幼絕慧年十二作范蠡傳萬餘言
父用明見之驚曰幾失吾兒萬歷甲午舉人明年成進士

年十九給假歸娶授刑部主事即疏劾石星冒殺平民要
功狀御審處死中外憚之歷員外郎丁兩艱服除補兵部
車駕遷武庫郎中每筭邊事司馬採以入告前後疏凡十
餘上直播西獻俘部概擬大碑復一讞奏應龍婿宋承恩
絕婚於前擒擄於後心跡俱明倘緣未娶之女株連何以
勸效順楊通漢其父可誅其身尚幼怨已死之親而移碑
亦無以德從逆承恩宜放通漢宜奴人服其識嘗奉使過
里猶稱貸佐朝夕遷湖廣參政分守荆岳清積逋覈虛冒
革加派足軍精嚴保甲禁驛騷杜彙謁割俸建劉忠宣祠
薦其子姓壬子癸丑雨驟江漲堤蕩盡決極力賑卹時三

金門志

卷十

官績

廿三

道並缺奉檄兼署辰沅諸郡多積逋兵乏餉三年呼癸脫
巾在途微諭之諫始輯亡何鎮守諸營復沸彘戎請調苗
兵制之不從徐按首禍七人正法鵬張始息進按察使督
餉湖北大小五冲苦苗患攝兵備策十月三度報捷復築
邊牆七十餘里又黑苗屯鎮遠備橋閭官直為梗出牛酒
令兵民誓相應援道始通會黔撫有大征紅苗之議檄永
順保靖二土司助蜀土司攻之復一云种苗禍專在黔黑
苗害楚淺而害黔深紅苗毒蜀蜀宜角之今黔代蜀憂不
以黔殉而逼楚殉之毫衆葛耕為乎可大拂黔撫意遂引
疾歸時已推河南布政楚人請以加秩番原任旨報可而

復一堅辭回囊中如洗旋起備兵易州遼陽報臨出俸金
募鄉壯修器械製火貝枕戈環甲以待而京中諸貴人遣
妻子避難乘傳絡繹下檄非奉廷遣悉裁其符銜者疏証
其聞變涕泣復一上章自理且揭云請以兵加額誰先鞮
眉請同過三岔河誰先縮足言者大慚擢山西左布政以
病告南而返至三山聞河西復臨歎曰茲豈臣子養高日
哉才疾之晉晉衝邊而近燕軍精繁急加派難堪上蠲增
餉抵京運二疏又於通者裁其浮征勉以正額民為樂輸
天啓二年以右副都御史撫治鄖陽兼制三省益勵清白
歲大旱步行禱祈自狀其罪坐獄中是夕遂雨鄖賦萬金

金門志

卷十

宦績

廿三

加額至四萬餘疏請免之又數屯額肅軍實撫材官餉吏
懷民種種舉舉奢崇明安邦彦反貴州巡撫王三善敗歿
進復一兵部右侍郎代之喪亡之餘兵食盡繼復一勞徕
拊循人心乃定尋以都察院右僉都御史總督貴州雲南
湖廣軍務兼巡撫貴州賜尚方劍便宜從事節制五省關
命即提師走遵義六廣河構其腹咨蜀設疑兵聿之乃駐
沅州召集將吏遣總理魯欽等救凱里斬賊眾進克巖頭
寨賊圍普定集賊謀陳其愚以殉遣參將尹伸副使楊世
賞等合擊之邦彦負傷逃遂搗其巢掃助逆苗十餘寨擒
斬數千發兵通盤江路斬逆苗沙國珍掃清三十餘寨普

定後邦彥震恐佯乞降於四川雲南緩兩路援師而糾合
烏撒過河官軍相持五日三戰三捷賊退六谷攻城適復
一發親軍至邦彥棄輜重遁取壯進剿六目自東海至鴨
河池水外數百寨皆平餘黨奔入水內時復一已病巡按
御史傅宗龍誓師平壤造船為渡河計復一謂搏虎於隅
難格兕於原易密檄諸將誘之出賊果驅獬鬼捲土連垣
四十營誘仲苗斷我餉道復一喜曰賊傾巢出我之利也
授計諸將進師於是魯欽及總兵黃越復大破之汪家冲
蔣義寨邦彥大窘遣人乞降而號召烏撒等犯遵義復一
促總兵許成名疾趨赴援合蜀兵擊破之長驅織金織金

金門志

卷十

官續

廿四

者邦彥樂也緣道皆木石塞山徑將士用巨斧開之殲賊
甚多搜邦彥不得乃班師復一以鄰境不協討致賊未滅
請勅四川出兵遵義畢節抵水西雲南出兵需益抵烏撒
犄角平賊帝悉可之因命廣西雲南四川陝西諸郡鄰貴
州者悉聽復一節制六疏請益餉未下而施州遵義兵萬
餘始至眾議因銳渡河復一戒勿深入乃兵甫渡河而施
兵先逃二千餘魯欽謂師退必散不如直搗其穴遂徑趨
水西遇賊力戰破之是晚施兵先潰賊從後襲擊諸營盡
潰死者數千人時復一為總督而朱燮元亦以尚書督四
川湖廣陝西諸軍以故復一節制不行於境外復一自刻

因論事權不專故敗巡按御史傅宗龍亦以為言廷議移
變元督河道令復一專督五路師御史楊維垣獨言不可
於是復一解任聽勘而以王城代撫貴州故事俟代者必
投鎮復一慮搖人心仍番會城拮据兵事與宗龍計剿破
烏泉螺蝦長田及兩江叛苗十五峇邦考黨安效良犯曲
靖尋旬復一遣許成名往援賊望風遁長田苗苗阿秩為
水西羽翼誘梟之族弟阿賈挾其兄仇擁眾欲斷平越餉
道復一在病中曰一息尚存豈可以賊遺君父憂檄諸將
分路進剿破百七十四砦斬級數千而西賊失一大臂矣
捷報正患瘡下血扶至平越愈劇猶上捐俸助工疏叩首

金門志

卷十

宣績

廿五

床上有事猶手自批答遂卒於平越軍中遠近震悼訃聞
帝嘉其忠勤贈兵部尚書賜祭葬謚清憲蔭一子官復一
學博才高他諸著作皆崇論宏議至書牘奏議之文慷慨
談天下事切中時弊而詩則出入漢魏唐宋間居然一代
名作生平敢直負大節有志聖賢之學經濟文章特其緒
餘嘗云某生于服膺三言報國恩以忠心擔國事以實心
持國論以平心又云某惟學正己不求四字耳所著有馭
菴全集特祀鄉賢崇禎間建祠專祀明史閩書府志見巖
趾集習數

蔡守愚字體言號發吾平林人萬歷乙酉舉人明年成進

士授南儀判司主事迎母就養暇與諸名公證鄉今古所得益深了內艱歸葬採前言往行實為明倫寶鑑一書手抄鄴善長水經註成帙加辨證服除授工部屯田司主事督理易州磁灣二廠舊時炭直不早給而惜薪司復從中索例丈為商病則為移內外主者與訂約時其出納給直令商自免凡日用薪蔬例供概從減省又與二廠社學魁往課習時內官四出採礦守愚謂易州近京豈得有礦將抗疏爭事遂寢擢虞衡司員外遷屯田郎中去曰諸商環擁請雷靴為記守愚謝曰有二社學在令子弟勿廢業吾棠不剪矣是時方急殿工物才告訖才贊大司空疏借內

金門志

卷十

官續

其

郊以郡國贖輸補償之得報命陞四川副使分巡上川土酋肆掠播州尤甚討平之晉兼政旋擢按察司陞右布政皆分道川南會六詔不靖中丞喬公薦守愚以原官移節建昌土婦翟繼良與其叔馬應龍爭印讐殺守愚授計遊擊吳文傑直入卧內持印出嫂叔投文聽命蘭州土婦奢氏爭權番印惡目銳弄其間檄往會勘議獻首惡並追印餘不足問議乃定揚酋隘綦江帝命總督李霖襄但征守愚以畫策督餉功賜白鐵採木役興在川南則條無木之難無錢糧之難甚悉在是則條募夫採木出水三難又請司郊先給三分之一而以建昌之杉易重慶之楠兩地交

便成茂餉米三萬餘藩司給直灌與買運不時積欠無稽
為條包攬擄塞乾鎮私免挪新補舊諸弊竇立三限掛鎖
獎戒法分派新繁寧郫彭產米諸邑店戶買米不齏驗
糧官督之脚戶運米不到監收官督之其久速者量追米
脚價給單自是成茂無滯餉其從建昌則寄學稚州單車
泣焉忽裸從山谷突出衆驚竄守愚端坐不動探至曰此
蔡佛爺也相率禮拜去至則宣布恩威申明約束番夷戢
服復董善後請策為建南經安計備殫心才數年間小犯
小勝大犯大勝以積勞成瘵病報滿乞休者三而兩臺苦
畱之遷雲南左布政候代會大師候某欲計擒黔烏撒

金門志

卷十

宦績

廿七

以為功亟馳止之曰彼巢塚官道而乃能號召執之必啓
嚮不聽未幾首孽奮呼諸夷響應道路梗塞踰旬守愚聞
報為撫諭熟夷鎮西之間享無事焉其感惠素孚也未幾
得代致仕而直指彭某竟用流言以攻切法中之蓋自建
南被禍當事曰議鵬剿然三尺孤懸共餉難處惟守愚謂
宜繕儲胥討軍實以防輿換為持久計所以安建者在此
而得咎亦由此初土官安世隆為那國所弑孽婦祿氏糾
夷報復陰欲嗣姪祿祈守愚責以大義俾逐祿祈而立安
世業烏思藏之貢者不無生事內地臺使題系部覆議革
而各番求復不已守愚謂貢額國初已定彼賣勅之利孰

與貢賞之所獲厚川省三萬茶引亦惟貢番貿易通行今
關門一閉無論茶法為阻即軍需且歲增數萬竟如其言
復之諸番顧世世奉欵而肖守愚像於宏化寺蜀郡舊建
三教堂釋居中儒道左右之特捐金修葺祀孔子而退二
氏又刻藝林標準及明倫寶鑑以嘉惠蜀士嘗署藩策一
月籍羨金千餘無所取嘗曰吾居蜀十四年不敢受各屬
一粟一菜不敢取地方一粟一絲不敢任喜怒而出入一
罪不敢聽囑託而臧否一人不敢傳舍官府不敢紊越軍
民蓋實錄也守愚學術行誼一遵程朱為人樂易質直無
婁媿態以故特立寡援至家掃軌讀書絕跡城市廂所居

全明志

卷十

官績

廿八

軒曰竄濬戒諸子曰得不得命也非分之有不必過求為
詩有魏唐風味文出入經史自足名家具載百一齋稿中
年七十卒祀鄉賢

閩書通志府縣志清白堂稿

黃華秀字居約號桂齋西廣人入南安庠萬歷戊子進士
授韶州府推官逮下仁慈事上端執精明決斷雪殺姑之
冤釋代兄之囚辨伐塚之詭以最薦召為南京浙江道御
史剛果洞達條陳時事雅著丰采時東方有遼左之慮中
原有礦稅之興楚藩有小人之構華秀皆上疏極言之官
暇從德興祝世祿寘國張應泰潛江歐陽東鳳及邑人李
范廉駱曰升為讀書之會相切劘如諸生卒於官不餘一

錢諸公經紀之府縣志採聞書

陳基虞字志阜號賓門陽翟人萬歷己丑進士性孝友懇
直寡諧初除蕭山令以忤洋要左遷南雄府推官有橋權
歲入萬金才弱不受署萊新會稅監負岨為民害將激大
變基虞保靖之輯首盜活証者數百命前令鈕光斗附璫
虐民基虞悉心調劑民賴以安代之曰焚香卧轍道攤不
前與袁王二令並祀三賢祠晉南刑曹郎有貴人欲剋一
異己者基虞堅持不可乃得解歷守三郡人多去思刺彰
德時歲輔狩警大中丞范景文戴星入授基虞措置軍需
嘔嗟立辦朝野賴之擢粵東兵憲終以不塌權貴得調捐

金門志

卷十

宦績

廿九

金倡修長興第三橋行人賴之卒七十九府縣志廣

蔡懋賢字德甫號炯所平林人貴易族萬歷乙酉舉人已

丑二甲第五名進士授刑部山西司主事讀書讀律刻苦

自砥慮囚一以平恕得情為主間有所成獄主者雖再三

持之卒無以易其議大司寇李漸菴公及吾泉王少宰詹

司冠皆獎重之亡何遭疾不數日卒年僅四十有二懋賢

天性孝友一錢之入必與兄弟共之初第時念父在年高

欲圖歸養以神宗方冊立東宮冀得一命榮親故畱妻子

以代晨昏倉猝而卒無一骨肉在旁莫能詳其居曹狀尤

可痛也府縣志採

許光卿字用實號實明後浦人祖大來萬州知州光卿萬
歷甲午舉人授河南西平教諭陞廣東新寧知縣器局恢
宏絕無脂葺之習蔡復一嘗贈之曰門風孝弟德宇清純
貌無脂縛言必春倫題府志

張繼桂字廷高青典人鳳微子由龍溪學中式萬歷戊子
舉人乙未進士篤親信友意氣倜儻援華亭知縣裁罷常
例不避權勢調松陽神明愷弟均役清田催科聽訟鞭朴
不施而賦額無逋教化大行卒於官歸櫬後家中蕭然妻
孀織衣自贖華松二縣祀之名宦府縣志採闡書清
白堂稿處州府志

張廷拱字尚軍號輔吾大登人萬歷丁酉舉人辛丑進士

金門志

卷十

宦績

三十

授懷寧令清內使挾帶私船寬省運民夫丁艱服除補豐
城捐俸築堤以利民政遷安編舖平法遠左車馬不疲奔
命天啓中歷祠祭司郎中時朝中多依附權璫獨廷拱正
言讜論非端人君子不與交遊削籍歸莊烈帝即位求舊
賜環以邊才擢僉都御史巡撫大同召對稱旨帝顧近輔
曰廷拱福將也至則給宗祿恤饑軍修土堡製火器邊計
靡弗周密警告悍至禦變投機敵不能犯以急勞成疾及
亟諄諄諭戒諸將竭才報國言不及私卒年六十五賜祭
葬益裏靖祀鄉賢通志府
縣志

陳如松字白南陳坑人萬歷壬子舉順天試以七時松樹

林鈞字實甫號鶴臺甌隴人將生之前甌隴湖中鳴沸三
日夜由龍溪籍舉萬歷壬子鄉貢丙辰成進士殿試一甲
第三名授翰林院編修歷國子監司業遷祭酒監有銅鼎
銅缸為臨雍會食及貯水備火之器魏璫欲假錢鈞持
不與時璫擅權烜赫立祠幾遍天下一日監生陸萬齡輩
執牒請定判鈞問云何對曰魏公功德巍巍宜立像太學
鈞曰諸生宜熟思之孔聖叢師也禮有人主北面之尊魏
人臣也若並列座他曰皇上入學謁奠君拜於下臣偃於
上能安之乎明日遂稱病去按明史載萬齡欲建閣祠與
抹即文挂中奪榜事以去明曰有旨責鈞問任鈞翻然就
萬齡就

金門志

卷十

宦蹟

道與此迨莊烈帝即位聞之歎曰危行言孫君子也召復
原官晉禮部侍郎兼侍讀學士七年以救卜與劉宗周同
時召對文華殿陳用人理財靖寇經邊四策即日拜東閣
大學士入閣辦事時帝方疾黨人以鈞誠懇不立門戶特
加眷顧御書浚泊寧靜中正和平八字以賜首輔忌之困
以煩劇遂以勞疾卒於官賜祭葬謚文穆祀鄉賢鈞冲淡
和平廉介自守鄭芝龍受撫奉千金為壽卻之復其書曰
成人之美君子也因之以為利非君子也芝龍亦為歎服

通志府縣志漳州
府志劉子全書

張朝綱字思昂號楚臺一號五華青輿人九歲能文萬歷

丙午舉人丙辰進士初授麗水令巨猾斂跡以最調永嘉
有以白金假海鮮獻者召邵之適富人子殺人善事郡守
諸縣長承守旨久不問朝綱治如法卒見忤歸五載起金
黔令邑有虎患為請命於神虎就斃分枝浙閩所得皆名
士陞戶部雲南司主事管新大二倉監兌兩浙旌授正郎
出為廣西副使備兵蒼梧梧當兩粵衝鋒寇出沒勤團練
募義勇粵賴以安署藩萊凜凜冰霜其在營櫛屯伍市粵
船廠經理有法民立祠以祭梧更有祠自朝綱始卒於官
崇祀府縣鄉賢祠府縣

蘇寅賓字初仲號日門蔡店人萬歷壬子舉人己未進士

金門志 卷十 官績 三十三

授崑山令廉靜剛平守正不阿時蝗蝻食禾徧滿田塍寅
賓禱天為民請命蠲去歲以大熟以執法失權貴意論貶
賓波府教授崑民祠之秩滿陞國子監助教累遷海南兵
備道兼提學草納蠲積穀諸羨餘勒石永記飲清宴廉惠
澤及民轉湖廣糧儲道布政司參議以不諂督糧權璫奪
職歸家無擔石杖履自適卒年八十一府縣

劉廷憲字秋岳金門所人天啓辛酉舉人署沙縣教諭新
文廟勤月課人文蔚起諸生為建生祠於學宮之右陞桐
鄉令清慎執法汰耗蠲徭每簿書暇即與諸生講學課文
所賞識多名士歸官後桐人建祠於包林驛而祀之祀鄉

賢府縣志

蔣孟育字道才號怡菴浦邊人入龍溪序萬歷戊子舉人
已丑進士授翰林院庶吉士以終養歸起補歷國子監祭
酒南吏部侍郎古心謙德無貴態操守廉潔始終如一在
吏部時其子履決不能補相視笑曰吾父子何貧也終以
清節著卒贈尚書賜祭葬謚文介祀鄉賢所著有臺閣文
憲選粹等書若干卷閩書通志府縣志

陳昌文字清時號伯武古區人天啓壬戌進士授廣西平
樂推官治尚寬和在粵九年歷署諸篆人誦為九印召杜
嘗曰治有三要清慎勤耳擢南刑科給事中士民避道轉

金門志

卷十

宦績

三十五

北吏垣疏請各郡邑立倉令縉紳捐粟以備賑劫尚書張
鳳翼防西失職狀未幾卒于官府縣志

張朝經字思藻號青武青巖人崇禎己卯亞魁庚辰會魁
授職方司主事抗疏請核京衛冒糧數十餘萬陞部中典
試廣西轉江西湖西道駐袁州時郡北有天井窩強賊盤
踞民遭荼毒歷任監司剿撫兩困朝經單騎抵穴開諭盜
盡解甲陞雲南督學民為之攀輿因陞任尋擢右僉都御
史巡撫南贛清勤自矢後歸以病卒祀鄉賢閩書通志府

蔡國光字士觀號貴服平林人天啓丁卯第六名舉人崇
禎甲戌進士七歲就傅經史過目成誦既釋褐令高安講

免浮糧革除常例高安人建祠祀之已補鉅鹿修城池給
牛種殘疆之民實賴以安召對稱旨擢授禮垣未幾李自
成陷京師執國光使降國光歎曰吾不能捐軀從先帝於
地下尚敢覲顏更等或賊拷掠極楚後釋歸田里曰惟焚
香卻掃旋依鄭氏流寓廈門兩島破落髮披緇復築一樓
栖止其上終身不下樓年八十三卒新寧縣志
盧若騰字閑之一字海運號牧州賢聚人崇禎丙子舉人
庚辰進士御試召對稱旨時中外多警上雅意邊才授兵
部主事譽望大起黃道周沈佺期范方引為同志以氣節
相尚會關臣楊嗣昌督師湖廣議刊布法革經祈福若騰

金門志

卷十

官績

三五

疏系嗣昌不能討賊只圖位佛帝以新進小臣妄詆元輔
嚴旨切責時論壯之陞本部郎中兼總京衛武學三上疏
劾定西侯蔣惟祿有惡其太直者外遷浙江布政使司左
參議分司尋紹巡海兵備道途次疏糾權璫田國興攬帶
貨船濫用夫辱州縣阻開口有旨召國興回論如法居
官潔已惠民剔奸弊抑勢豪峻絕醜遺輕省贖贖風裁濶
溲植山賊胡乘龍竊發平之士民建祠以奉有盧菩薩之
稱福王立召為貪都御史督理江北屯田巡撫廬鳳提督
操江嘗與劉宗周書云自古未有文武不和能成大功者
今文武相貳文又與文貳武又與武貳勇私閉怯公憤將

來正不知所稅駕耳明年夏行次錢塘而南都亡所載安歷
任鳳陽巡撫在甲申以前政明史職官志鳳陽巡撫嘉靖
三十二年以倭警添設四十年歸併總督漕運今據三藩
小紀及文集辭浙撫疏斷為福王時至全祖望所稱尚書
為甲申以後官不載不知勝朝殉節諸臣孫明史通鑑輯
覽於諸臣之仕有林魯三士者概予唐王授以都察院右
原官今謹遵 欽定諸書例補入
副都御史巡撫溫處甯台時已命孫嘉績於穎矣又命若
騰因事權不專疏辭不許將赴任請以總兵賀君先統靖
海營水師以其弟遊擊若驥扼守盤山關要害時紹興請
臣奉魯王監國誠意伯劉孔昭總督楊文驄分據台甯處
州若騰所撫惟溫州一府而已督師黃道周軍婺源以沈
有茲徐栢齡隸其麾下致書有云聞至浙東喜而不寐不

金門志 卷十 官績 三十六

特聲氣可通亦且形勢相起是年溫州大饑若騰設法賑
恤加兵部尚書手書無不敬三字賜之按尚書諸書皆不
據王文集上載其何時何部今

秋率師次平陽大兵逼士疏請援不應溫民擁署呼曰願
公為百萬生靈計若騰曰若欲降即先殺吾民涕泣散夜
叩紳士王端栢周應期門議城守端栢曰人心已死非口
舌可挽相持痛哭城破驅家人巷戰腰臂各中一矢遇水
師救出偕賀君先脫入江上表請自効命族弟若驥赴行
在聞閩事壞痛憤赴水同官拯起裂皆曰是不欲成我也
鄭鴻逵召回閩尋潛入滄洲圖起兵道出甯波父老迎謁

垂涕遺之見事不可為仍回聞之曷山與郭大河傅象晉
輩舉義屯兵望山欲乘間圖武安近寨官裔林某絕其餉
道與師戰不利嗣同葉翼雲陳鼎入安平鎮轉徙鷺江借
王忠孝沈宸荃曾櫻許吉燦辜朝薦徐孚遠郭曾一紀許
國輩居滄島上自號番菴永明王因關部路振飛疏薦召
拜兵部尚書道阻不得達成功卒張煌言貽書謀復奉魯
王監國會王薨康熙三年抵渡臺灣至澎湖病亟夢黃衣
神持刺來謁忽問今是何日侍者以三月十九對矍然曰
是先帝殉難之日也一慟而絕遺命題其墓曰自許先生
年六十六若騰風情震邁當時士夫幸博一第則近地山

金門志

卷十

官績

海之饒率推為世業或以為言夷然不屑晚一意著述自
天文地理下逮蟲魚花草宏通博雅品藻古人成敗得失
反覆淋漓斷制嚴謹至於身世感遇憂愁憤懣之什皆根
於血性注灑人比之蔡忠毅道憲所著有方輿圖攷滄洲
節烈傳番菴詩文集學字與耕堂值筆島噫集島居隨錄
島上閒居偶寄各若干卷通志府縣志臺灣府志諸羅彰
化縣志番菴文集石齋文集臺
灣外紀鮑琦亭集續聞書林
詩話蟲測彙抄敵雲文抄合
彙
許元庸字世響號鳴和後浦人初名元鏞崇禎間補府序
政今名順治五年貝勒王帥師入閩廉其才薦授廣東樂
昌知縣代萊廣寧地多虎患元鏞至一切利民事次第舉

行虎遜去有山賊竊發勢甚熾官不能捕元康單騎馳入
案陳說利害賊俯首聽命陞肇慶同知尋遷王府內史攝
龍門印卒於官閩語見

陳觀泰榜名琬字允雅號止庵陽翟人健元孫崇禎癸酉
舉人寬厚孝友國朝任儀封知縣聽訟持平催科不擾
緝劇盜卻飛蝗捐修學宮完雉堞除雜稅革陋規儀人德
而祀之及子睿恩登第遂告歸建祠宇置儒租百六十餘
石以勵孫曾卒年八十祀鄉賢府縣

張汝珮字夏鍾號虛巖青巖人入府庠崇禎壬午舉人
國朝順治乙未會試以乙榜授清源令邑里役久為累至

金門志

卷十

宦績

三十六

即毅然釐革之羅白二都故有永濟渠造迤三十里歲久
淤塞被隣封豪右占耕汝珮請於上官濬復之東於高白
水屯營三鄉沃壤也自萬歷初被水後地荒民竄為集流
亡給牛種躬自督墾皆成膏腴戶戶祝焉康熙七年
恩詔賜高年米肉布有差清源八十九十以上者不下二
百人逾百歲者二人備車馬迎致與坐堂上躬袒割飲之
邑賢書報罷己酉科汝珮建授陽書院俾士肄業與相切
劑是科丙午獲雋二人越次科己酉四人自是科第不絕
而劉基振竟掄元皆其平日首拔士督撫大加敬重有兩
省循良第一及三晉儀型之誦在任七年以盜案誑設百

姓兩籍 行在保畱竟格於部議報罷在源候代囊無
一錢薪水悉民供之去之日父老還道號泣送至數十里
隣封民亦為墮淚嗣起被安陸府通判邵例金以千計校
士論文所賞識皆名士解元劉善錫其所首拔士也郡邑
有水旱必議蠲賑得請方休性嗜學凡經史子集靡不熟
復玩味購求明代遺文三百餘家許臨送刻膾炙海內為
文春和太雅泉中自王遵巖後罕有其匹所著有豹野初
集二集賢賞堂文集高府志節鄭重
黃晄字麗芳汶水頭人康熙辛酉舉人有卓概敦孝友授
政和教諭飭儀禮修廢墮士林戴之卒於官府縣

金門志

卷十

官績

許承澎字伯奔後浦人貢生以從戎有功康熙間授河南
鄆陵令丁父艱服闋起補江南儀真令在任有政聲當道
交薦之除松江府同知尋以老致仕歸家

許永忠後浦人康熙間以軍功授四川遵義府通判攝府
策進京值吳三桂之叛全蜀響應不能回任隨師効力招
降偽總兵姜應熊克復龍安成都既定乃就官後因事罷
歸家譜

洪心澄字淳思號印川後豐港人移在坊年二十登康熙
丙子舉人授河南偃師令丁外艱歸服除值臺匪朱一貴
竊發提督施世驄延入幕中運籌制勝多出其謀事平未

議叙而卒弟淳瑛康熙甲午舉人任松溪教諭調臺灣授
江南六合令調儀徵詳草陋規永藥自矢剔奸除蠹吏畏
民懷家居足跡不入城市人欽仰之府縣

王孔彰字曾言山後人由晉江學中式康熙乙酉舉人授
遷安令邑治遼瀾稽保甲嚴緝捕閭閻安枕聽斷明決訟
無留牘以剛直忤歸家徒四壁介然自守嘗值天旱祈雨
邑長猶催科嚴急孔彰隨至城隍行禮自言曰祈禱抑未
也感召天和莫如省刑緩征邑長失色溫陵朱文公講院
久荒廢陳於太守王廷詩廓清重修集士肄業其中時論
偉之年九十餘年府志

金門志

卷十

官績

四十

黃鍾十七都汶水頭人康熙間以投誠功歷官雲南值吳
逆判狹使降不屈刑其足全家被害竟不從寇平事聞特
授浙江溫處道卒於官黃廷述